



Introductie

Es organisatie höbbe v'r 'n dudeleke verantwoordelekheid: 't Mestreechs neet allein bewaore, meh 't ouch 'n sterke, ziechbare en touwkomsbestendege plaots geve in 't daogelekse leve.

De koumende jaore keze veur 'n geriechte koers: zoe versterke veur eus organisatie, lancere veur vernuiende projekte, bringe veur 't Mestreechs in de klas en bouwe veur 'n centraol online kinnplatform veur ederein dee interesse heet in eus taol.

Dit beleidsplan liet zien wie veur dees ambities realisere en welke stappe daoveur nudeg zien. 't Gief helderheid aon vrijwèllegers, lede en partners, en maak dudelek boe veur in 2030 wèlle stoon: es dé verbindende en gezaghöbbende organisatie die 't Mestreechs versterk, oetdreug en doorgief aon nui ginneraties.

Bestuur Veldeke Krink Mestreech
Miert 2026



Euver us

Vereininging en stiechting


Veldeke Krink Mestreech (wijer: Veldeke Mestreech) is opgeriech in 1979 en heet es doelstèlling tot 't Mestreechs blijf leve es egetijdse moderne taol, gesproke en gesjreve door joonk en aajd.

Daoveur organiseert zij activiteite en oontwikkelt ze produkte um lui te enthousiasmere 't Mestreechs te goon én blieve spreke, sjrieve, luustere en leze.

Veldeke Mestreech besteit oet 'n vereininging (circa 900 lede) en 'n stiechting mèt dezelfde doelstèlling. 't Bestuur vaan de vereininging, gekoze door de lede, vörmp otomatisch ouch 't bestuur vaan de stiechting.

De **vereininging** riech ziech primair op ledebinding, activiteite en de maotsjappeleke opdrach. Binne de **stiechting** (btw-pliechteg) zien eus produkties oondergebrach, zoewie publicaties, oetgaoves en groete projekte. Heidoor weurt 't financiële en organisatorische risico gesjeie vaan de vereininging.

Deze structuur zörg veur 'n heldere sjeiing tösse vereiningingsactiviteite en productiegeriechte activiteite, mèt zorgvöldeg financieel en juridisch behier.



Eus Missie


Boerum v'r bestoon

Veer helpe en liere um Mestreechs te verstoon, te spreke, te leze en te sjrievē.

Um dit te bereike hōbbe veer de kinnes vaan eus taol in hoes en daomèt faciliterē veer diech gere.

De kins bij us, hiel liegdrempelēg, terech veur kinnes en advies.


Dit doen veer veur ederein dee interesse heet in 't Mestreechs.



Eus Visie


Wat v'r wèlle bereike

't Mestreechs leef es egetijds modern taol. Gesproke en gesjreve, door joonk en aajd en mèt aondach veur spelling, stijl en grammatica.



Eus strategie

Wie v'r dat doen



De 4 vaan Veldeke

Promotie

Veer bringe 't **Mestreechs** oonder d'n aondach vaan de lui.

Educatie

Veer liere de lui um **Mestreechs** te verstoon, te spreke, te leze en te sjrieve.

Documentatie

Veer lègke 't **Mestreechs** vas veur de touwkoms gesproke én gesjreve.

Consultatie

Veer helpe de lui mèt 't **Mestreechs** te verstoon, te spreke, te leze en te sjrieve.

Eus kernweerdes

Boe v'r veur stoon



Same

Veer zeuke actief verbinding mèt vrijwèllegers, onderwijs, organisaties en euverheid. Same bereike veer mie es allein.



Deskundeg

Veer stoon veur kwaliteit in alles wat v'r doen. Eus projekte en produkte zien gebaseerd op kinnes, zörgvöldegheid en respek veur de taol.



Vernuiend

Veer hoejere traditie, meh dörve te vernuie. Veer oontwikkele frisse projekte, moderne middele en eigentijdse menere um 't Mestreechs te laote leve.



Touwgaankelek

Veer make 't Mestreechs begriepelik en bereikbaar. Daoneve zien eus activiteite en produkte aontrèkkelek veur ederein.



Betrokke

Veer doen dit oet leefde veur de stad en häör taol. Vaanoet 'n gedeilde gruoetsegheid zette veer us in um 't Mestreechs door te geve aon de volgende ginneraties.

Eus doelstèllinge

Wat v'r concreet wèlle realisere in 2030



Taolraad

Ind 2030 heet Veldeke Mestreech 'n kemissie mèt **minimaol 5 lede** die deskundeg zien op 't gebeed vaan de Mestreechter taol mèt es taak um taoladvies te geve en te wèrke aon taolcorrecties en -vertaolinge.



Greujende organisatie

Ind 2030 heet Veldeke Mestreech (boete 't bestuur) **minimaol 30 vaste vrijwèllegers** die activiteite en/of produkte binne 'ne projekgróp en/of oonder begeleiding vaan 't bestuur initiëre, oontwikkelen, realisere en oetveure.



Projekte

Ind 2030 heet Veldeke Mestreech **minimaol 5 nui projekte** (activiteit of produk) geïnitieerd, oontwikkeld, gerealiseerd en oetgeveurd, die bijdrage aon de missie en vernuiend, imagooversterkend én financieel verantwoord zien.



Mestreechs in de klas

Ind 2030 heet Veldeke Mestreech - same mèt partners- 'n plan gemaak en tot oetveuring gebrach boemèt Mestreechs **structureel in gróp 1 tot en mèt 8** 'n plaats krijg in 't lèsruuster.



Digitaol Kinnesplatform

In 2030 heet Veldeke Mestreech heet 'n online platform (website) mèt 'n **kinnesbaank veur 't Mestreechs**, boe lui terech kinne veur informatie euver 't Mestreechs.

Eus rôt nao 2030

Wie veer bijdrage aon erkinning onder Deil III vaan 't Europees Handves




Taolraod



**Artikel 12
(Cultuur)**

Door 't bewake vaan de taolkwaliteit bij vertaolinge en publicaties weurt voldoon aon de eis um de taol es volweerdeg medium in te zètte.



**Greujende
organisatie**



**Artikel 13
(Sociaal-
economisch leve)**

Mèt mie lui kinne v'r organisaties wie euverheid, zörginstèllinge, sjaole etc. stimulere 't Mestreechs te integrere in 't daogeleks werk.



Projekte



**Versjèllende
artikele**

Aofhaankelek vaan 't doel vaan 't projek dreug dit bij aon 't Mestreechs in de media, online, in 't onderwijs, bij de euverheid, etc.



**Mestreechs
in de klas**



**Artikel 8
(Onderwies)**

Gief invölling aon de hel eis aon de euverheid tot 't aonbeeje vaan de streeктаol in 't onderwijs.



**Digitaal
Kinnesplatform**



**Artikel 11
(Media)**

De noedzakeleke infrastructuur um de taol online besjikbaar te stèlle, boedoor Veldeke Mestreech lui stimuleert tot 't gebruik vaan de taol in d'n officiële en zakeleke contex, zoewie in de media.

Eus Organisatie


Wie v'r georganiseerd zien

In de vereniging **Veldeke Krink Mestreech** is de Algemene Ledevergadering (**ALV**) 't hoogste orgaon. Veur de stiechting is 't bestuur 't hoogste orgaon.

't **Bestuur** is veur de stiechting en de vereniging geliek en besteit oet 7 lede (oonbezoldeg): veurzitter, vice-veurzitter, penningmeister, sikkertaris en drei algemeen lede. 't Bestuur kump minimaol tien keer per jaor same en bestuurslede weure beneump veur 'n termien vaan 4 jaor, mèt maximaol 2 herbeneuminge. Bestuurslede oontvaange gein vergeujing veur hun werkzaamhede.

't Bestuur weurt allewijl ondersteund door zoe'n 20 vrijwèllegers, die in **projek- en wèrkgróppe** samewèrke aon activiteite en produkte.

Daoneve heet Veldeke Mestreech 2 vaste kemissies: de **PR-kemissie**, die de organisatie ondersteunt in communicatie en PR, en de **Kascontrolekemissie**, die touwzuut op de financiële controle.



Eus netwerk


Veur wee en mèt wee v'r 't doen

Veldeke Krink Mestreech opereert binne 'n netwerk vaan interne en externe betrokkene.

De bovehèlf vaan 't netwerk besteit oet **partners** die bijdrage aon 't realisere vaan eus missie: bestuur, mètwèrkers en externe partners wie euverheid en sponsore.

De onderhèlf umvat de **doelgróppe** veur wee veer us inzette: lede en vrun, en extern klante, bezoekers en de gemeinsjap.

Zoe verbindet veer interne inzat en externe samewèrking aon maatsjappeleke impact veur 't Mestreechs.



Eus Activiteite en produkte

Wat v'r doen

Veldeke Mestreech organiseert activiteite en ontwikkelt produkte die bijdrage aon 't leveteg hawwe en bevordere vaan 't Mestreechs.

Jaorleks organiseert ze onder mie culturele en educatieve activiteite, wie 't **Groet Mestreechs Dictee**, de **Familie Keersemesspeurtoch** en 't **Aajdjaorscabberèt**.

Daoneve bringk Veldeke Mestreech publicaties oet, zoewie 't **VastelaovendsABC** en andere taolgerelateerde oetgaoves wie **Mien Ierste Wäördsjes** en 't **Mestreechs Leesplenkske**.

Veldeke Mestreech stimuleert 't gebruik vaan 't Mestreechs ouch via projekte en samewèrkinge, zoewie de verkezing vaan 't **Mestreechs woord vaan 't jaor**, 't verzörge vaan taol- en dialectcursusse, 't make en corrigeren vaan vertaolinge en tekste. Heimèt dreug zij bij aon de ziechbaarheid en 't daogeleks gebruik vaan de Mestreechter taol.

Eus Financies

Wie v'r middele inzette

't Financieel beleid vaan Veldeke Krink Mestreech is geriech op zorgvöldeg beheer en doelgeriechte inzat vaan middele um 't Mestreechs 't behawwe en te bevordere.

Inkomsteverwerving

De inkomste bestoon oet contributies vaan lede en vrun, produk- en kaartverkoup, projectsubsidies en gifte. Lede betaole jaorleks contributie via Veldeke Limbörg, boevaan 'n deil aon Veldeke Mestreech trökvloeit. Daoneve ontvingk zie projeksubsidies vaan onder mie de Gemeinte Mestreech, de Provincie Limbörg, Veldeke Limbörg en particulere fondse. Veldeke Mestreech steit daoneve ope veur particuliere en zakeleke gifte, sjinkinge en legate. Subsidieaonvraoge weure per projek ingedeend en inhajdelek onderbouwd.

Beheer en besteding vaan 't vermoge

't Vermoge, opgebouwd oet bovegeneumde middele, is groetendeils gerizzerveerd veur loupende en touwkomstege projekte en weurt beheerd via betaal- en spaarrekeninge bij Rabobank. 't Bestuur beheert de middele oonbezoldegd. Besteinge vinde plaots op basis vaan projekplanne en begrutinge en zien geriech op de ontwikkeling vaan activiteite en producties, vormgeving en redactie, onderhaajd vaan digitaole platforme en koste veur publicatie, communicatie en verspreiing.

Eus Vereineging

Wee v'r zien

Veldeke Krink Mestreech

Lutetiahof 27

6215 TL Mestreech

info@veldekemestreech.nl

veldekemestreech.nl

KVK: 40204587

IBAN: NL 31 RABO 0130814210

Bestuur:

(per 1 aprèl 2026)

Carlo Schrijnemaekers, veurzitter (2016-2028, 2^{den} termien*)

Lilian Limpens, vice-veurzitter (2011-2029, 2^{den} termien*)

Richard Wijnands, secretaris (2023-2030, 2^{den} termien*)

Bionda Eggen, penningmeister (2024-2028, 1^{sten} termien)

Judith Wolfs, algemeen bestuurslid (2023-2030, 2^{den} termien)

Emmy Gulikers, algemeen bestuurslid (2021-2028, 2^{den} termien*)

Robert Doyen, algemeen bestuurslid (2025-2029, 1^{sten} termien)

**Sinds juni 2023 weure bestuurslede beneump veur 'n periood vaan 4 jaor. Zie kinne denao maximaol 2 kier weure herbeneump. Bestuurslede die al in functie waore veur juni 2023 make hun loupenden termien vaan 3 jaor aof. Denao gelle ouch veur hun de nui regels: 'n beneuming vaan 4 jaor, mèt de meugelekheid tot maximaol 2 herbeneuminge. Termiene veur juni 2023 tèlle neet mèt.*

Eus Stiechting

Wee v'r zien

Stiechting Veldeke Mestreech

Lutetiahof 27

6215 TL Mestreech

info@veldekemestreech.nl

veldekemestreech.nl

KVK: 14063753

IBAN: NL 35 RABO 0130809454

BTW: 8082.74.399.B0001

RSIN: 808274399

Bestuur:

(per 1 aprèl 2026)

Carlo Schrijnemaekers, veurzitter (2016-2028, 2^{den} termien*)

Lilian Limpens, vice-veurzitter (2011-2029, 2^{den} termien*)

Richard Wijnands, secretaris (2023-2030, 2^{den} termien*)

Bionda Eggen, penningmeister (2024-2028, 1^{sten} termien)

Judith Wolfs, algemeen bestuurslid (2023-2030, 2^{den} termien)

Emmy Gulikers, algemeen bestuurslid (2021-2028, 2^{den} termien*)

Robert Doyen, algemeen bestuurslid (2025-2029, 1^{sten} termien)

**Sinds juni 2023 weure bestuurslede beneump veur 'n periood vaan 4 jaor. Zie kinne denao maximaol 2 kier weure herbeneump. Bestuurslede die al in functie waore veur juni 2023 make hun loupenden termien vaan 3 jaor aof. Denao gelle ouch veur hun de nui regels: 'n beneuming vaan 4 jaor, mèt de meugelekheid tot maximaol 2 herbeneuminge. Termiene veur juni 2023 tèle neet mèt.*

veidəke
Məstreech:
VEUR 'T MESTREECHS